

Nwàk nè Pol à Còm Fa Bùu sè Mvwe' Lak FÌLIPIYÀ

Nwàk nè Pol à còm fa bùu Filipiyà ènə, yi à còm fa nà' yà'sə bohòcos nè yi à muk to tsə cip mvwe' nze Màsìdoniyà nə. Yi ànə còm ηgòkwε'sə nà' ηga yi cu ndapndzəm. Pol à kwε'sə wo də wo sə cum ncu nè krətèη tse' ηgòcu nə. Mvəsə yi à sə kwε'sə wo, yi sə cep bə nza' kwəkwa kəkε', kəkε'.

Yi à còm sè' ηgòkwasə bùu Filipiyà wèη sə bə bum sè wo à tumsə fa yi ηgòtesə yi ηga yi cu bə ηgə'. Yi à jə mvək ènə sè' ηgòcèp də yà'wèη ko ntum bə ηgə' nè yi sə yə, nə ye bə ηgə'ə sè yà'wèη sə yə sə sè'.

Pol à cèp ncèp mok sè guguj də, <<Ngòcu ηwəm a ηgòsə naaj tu bohòKrest, nə ye də ηgòkpu a sè' swe'>> (ye ηgo 1:21). Yi à cèp sè' də bum sè yi à sə kùmgə ηgùη bə zèη sə yà'a bohòyi ηga'a mok co bèp (ye ηgo 3:4-11). Yi cep məm̀vè'nə yi sə lù guguj də ηga yi nə kə ghak nə tse' lèlà' nə (3:12-14). Yi yəm ηkì mok ηgòkùksə Jisòs bə zèη (ye ηgo 2:5-11). Nè'nə ηkì mòk nè mantombi nè nà' fom wùriη nè wo à còm nòηsə nà'. Nà' sə cèp bum ba bə liη Jisòs: yi à jə ni' ye sə nze fana Nwì busə yi ηwè nè ghaη.

¹ Còm ηwàk nè'e mùu Pol ves Timatì. A ves sè vées ηgàa fàk bohòJisòs Krest. Vès com fa nà' bohòwèη sè wèη bùu Nwì pwe' sè wèη cu mvwe' lak Filipiyà, nə ye bùu awèη sè mantombi

bə sè wo tɛsəgè mɛ cos. ² Nwì nè yi tèt' àvès bə Tà Jisòs Krɛst ɣɛ wɛŋ bəboŋ, nə fa wɛŋ fifi.

Pol Kwəsə Nwì Nə Kwe'sə Krətèŋ Sè Filipiyà

³ Ghà yà lònŋ nè mɛ tsəragè wɛŋ fana, mù kwasə Nwì àm. ⁴ Nə ye sèt' duk də, ghà yà pwe' nè mɛ lɛŋ fagè wɛŋ pìriyà fana, mù lɛŋ bə kwəkwa sə ntɔ̀ù mù. ⁵ A vɛ'nə bùu nsàp tətɛsè nè wèŋ à fa mɛ bə fàak Ntirè nè Bəboŋ nə. Wèŋ à tɛsə yèto mɛ nùmbu nè wèŋ à yuk to Ntirè nè Bəboŋ nə tètè kə dzeŋ ŋga'a. ⁶ Mù rì bə nè zìnə duk də, yi Nwì nè yi à yèto nsàp fàk nè bəboŋ ènə sə ntɔ̀ù wèŋ nə ɣɛ mali yà' tètè nùmbu nè Jisòs Krɛst nə və səmok. ⁷ Mɛ tsəragè wɛŋ vɛ'nə busə wèŋ cu sə ntɔ̀ù mù. Wèŋ à be'lə mɛ sənə bòvəm nè Nwì a fa mɛ. Yà' à yè jə taŋ ghà nè mù à sə lù ŋgòdə Ntirè nè Bəboŋ nè Krɛst nə zìnə, tɛ kə dzeŋ ŋga'a nè mù sə cu mɛ ndapndzəmè. ⁸ Mvəsè mù duk də dzədzəm àm nè ghaŋ nè mù tse' nà' bohòwèŋ sə vè bohòJisòs Krɛst bə tu ye fana, Nwì sə rì ye sèt' də mù sə cèp zìnə.

⁹ Pìriyà njàm nè mù sə lɛŋ fa weŋ duk də, dzədzəm awèŋ sə kuk ghaha lo mantombi, nə ye bə ŋkərə nè bəboŋ sèt'. Də wèŋ tse' nsàp ŋkərə nè ŋgògàpsə rì yusè yà'a bəboŋ bə sè yà'a bɛp. ¹⁰ Yà'a ye vɛ'nə ŋga wèŋ riŋ mvəsè ŋgòcokfis jə yusè yà' bògha' càsə pwe'. A sèt' zɛŋ sè yà'a nə tɛsə tɛ Krɛst kə bwi və nùu ŋga wèŋ bùu sè rərəŋ, wèŋ kà nzak tse'. ¹¹ Ncum awèŋ sè wèŋ cu, ye megu bəboŋ, bəboŋ nè nà' vè

bohòJisòs Krest yìiyi. Bùu sè wo yə bum yè'sə, wo nə kwasə Nwì, nə kuksə yi.

NgòCu Nwum Yè'sə Yà? BohòMù A Krest

¹² Bwema am wèŋ, yusè mù sè dzəm də wèen rìŋ tse' də, nsàp ŋgə' nè nà' a tsèŋ mù nà'a, nà' a tēsə Ntirè nè Bèboŋ nè ŋgòlòmantombì. ¹³ Dògarìi sè wo kùkgè nto' ŋkum, bə bùu mok fəŋ pwe' a rìŋ də mù ŋgà ndapndzəm bùusè mù mo ŋgà fàk Krest. ¹⁴ Mok sè' duk də, ndapndzəm nè mù a ni nè, a gũŋsə bwema ŋkũŋ ma nè Tà gũŋsə. Wo sè gũŋ ghaha nùumbu pwe' ŋgòtsòho ncèp Nwì, nè kà wuə tse'. ¹⁵ A lɛ də mok sè tsoho liŋ Jisos Krest bə njo nè də wo sə wa fàk am, nè sə ləp ŋgòjə kù am. Mok sè tsoho yàwo bə ntum nè rərəŋ lāaŋ. ¹⁶ Wo yè'sə sè gù vɛ'nə bə dzədzəm bùusè wo rì pap də Nwì a fa mù fàak sè ŋgòtəŋ gèem Ntirè nè Bèboŋ nè. ¹⁷ Mok sè sè kà liŋ Krest nè bə nè zinə tsòhò. Wo sè tsoho bə yòŋsə wì' nè sə vèə wo. Wo sè duk ŋgwàaŋ də aco wo yamsə ŋgə' àm mvəsè mù cu mù ndapndzəmè.

¹⁸ A ye-a sè' vɛ'nə, yumok kà bup. A ye-a də a sə vèə wo bup kè bəboŋ àlɛ, yà' ka mù yaaŋ, mù sə kwa yam-e bə zəŋ kwa. Yusè gũgũŋ sè duk də bwìŋ sə yuk malì liŋ Krest. Yà'a mbwè njo nè mù sə kwa nè. ¹⁹ Mù nè sə kwa sè' bùusè mù rì duk də mù nè tēsə li bùu pìriyàa awèŋ nè ye bə tətēsè nè nà'a və bohòYòŋsə Jisòs Krest. ²⁰ Bə nè zinə, ntum àm tə gù duk də mù kà co marè'tu ko mù gù. A ye lɛ də ye jəŋ ŋga'a nè lo mantombì pwe', mù baŋ ntum ya mù kuksə

Krest bə ni' àm pwe'fo'. A dzəm ye kpɛ kè lùŋ-è, m̀ dzəm ɲòkùksə liŋ Krest. ²¹ M̀ duk ve'nə bùusə ɲòcu ɲwəm nə yè'sə ya? Bohòmù yàm, a ɲòrìŋ Krest, nə ye də ɲòkɛ, a sè' swe'. ²² A sè' duk də ɲga m̀ cu mali-a ɲwəm, aco fàak sè m̀ gu təsə li bwìŋ sè'. M̀ ka ma nè m̀ lo riŋ. ²³ M̀ tə yè'sə m̀tsətsə'rə ndzəp. M̀ dzəm də m̀ lo yu am kə cum ves Jisòs. Bògha' ca zəŋ nə nəm ɲòcu sə nzeŋgòo fən. ²⁴ Yumok sè yà' gu càsə sè' duk də, m̀ cum mali ɲwəm bùu tu awèŋ. ²⁵ M̀ rì pap də yè'sə zinə. Fana m̀ rì də m̀ nə cum mali ɲkɛŋ ɲògɛŋsə wəŋ bùu yusè wèŋ a dzəm, ya wèŋ tse' kwəkwa ɲkɛŋntèŋ sè'. ²⁶ Ya ɲga m̀ vè kè tsècŋ wəŋ sèmok fana vesùwèŋ kwa mvwe' mò'fis bohòJisòs Krest bùu tu am.

Təŋ Gugɛŋ Mvə'nə Wèŋ Sə Naan̄tu Bə Ntirè Nè Bèboŋ Nə

²⁷ Yusè gugɛŋ sə də, ncu awèŋ ye kəkərè bohòbwìŋ co bùu sè wo a dzəm Ntirè nè Bèboŋ nè nà'a nè Krest nə. A ye-a ve'nə fana ɲga m̀ vè bə nè m̀ ka və pwe', m̀ sə yuk də wèŋ tə gugɛŋ bə yusè mò'fis, nə tse' cù mò'fis, nə sə lu mvwe' mò'fis bùu Ntirè nè Bèboŋ nè wèŋ a dzəm nə. ²⁸ Nə ye sè' də wèŋ sə kà bùu sè wo bèn̄gè wəŋ wəp lok. Yà'sə nə gu wo riŋ də wo nə kpɛ bisə wà, wèŋ tse' yàwèŋ lùŋ nè nà'a nè kà mè. Nwì nə niŋ tsok fa wo sè' ve'nə. ²⁹ A də Nwì a fa wəŋ mandzè ɲòdzəm bohòKrest, nə kà ve'nə mègù, wèŋ tse' ɲgòyè ɲgə' bùu yi sè'. ³⁰ Nè ɲga'a nè'e vesùwèŋ sə lù bə yusè mò'fis. Cu mali lù nè wèŋ

nà yə taanŋ ŋga mù sə lù nà'a, haŋ ŋga'a wèŋ sə yuk də mù sə lù malì ntòzeŋ.

2

Tse' Nsàp Ntəm Nè Jisòs Krèst Nà'a

¹ Ncu awèŋ nè wèŋ cu nà' co bùu Krèst, kwɛ'səgè weŋ à? Dzədzəm ye fisəgè weŋ ntəm à? Wèŋ tse' kwəkwa nè mvwe' mò'fis weŋ yòŋsə ye nə wèŋ à? Nə ye də wèŋ tse'gè ntəm nè bəboŋ nə ye koksəmanziŋ bohòmòk bə mòk à? A vɛ'nə. ² A ye-a vɛ'nə fana, mù dzəm də wèŋ tse' nsàp tsətsərè nè mò'fis, nə sə dzəm mòk bə mòk, nə ye cù mò'fis, ya mu kwa wesə. ³ Kà də wèŋ me'rə wi' bə nɛni' sə ntuu wèŋ duk. Wèŋ jəŋ ni' awèŋ sə nze, nə kà bùu mok co wèŋ gha' wo weŋ sə kùk. ⁴ Ndàaŋwè pwe' lap mandzè nè ŋgògù yusè co yà' tɛsə ŋwə nəmòk sə', yi kà bə ni' nè nje tsərè mègù. ⁵ Wèŋ tse' nsàp ntəm nè Jisòs Krèst à tse' nà'a.

⁶ Yi à ye Nwì bə tu ye sə', fana yi kà nsàp ntəm nè də yi nə mam tsooŋ bə Nwì yəyərè tse'.

⁷ Yi me'rə mvwe' sə ghaŋ yà'sə, nə jə tsooŋ ni' ye sə nze, nə ye co ŋkwèŋ, wo dzə yi mok co ŋwè vɛ'.

⁸ Mvəsè yi à ye co ŋwè vɛ'nə fana, yi jəŋ tsooŋ ni' ye sə nze səmok, nə yuk yusè Nwì à də yi gu, nə kə kpɛ mu ntəŋ. Nsàp kpɛ nè a kpugè vɛ'nə bùu sə bɔp.

⁹ Bùu nsàp nè yi à gù ènə fana, Nwì a yamsə yi nsàp nè wù kà fùk.

Nwì a fa yi liŋ sè yà' yam gha' liŋ pwe'.

¹⁰ Ye dè, bwìŋ pwe' nè kə təəŋ bə tumfərə mantombii Jisòs ngòkùksə yi.

A nè ye bùu sè wo mabu bə sè sə nzeŋgòo fəŋ, nè ye bə sè wo cu ma sə mbwè nze pwe' nè kùksə yi.

¹¹ Wo nè cep fis bə cùu awo jəja mvwe' bwìŋ duk də Jisòs Krəest Tà.

Yà'sə nè kùksə tē' ye Tà Nwì sè'.

Wèeŋ Rəŋ Co Mareŋ

¹² A ye-a vɛ'nə fana, bwema am wèŋ, mvè'nè wèŋ à sə yuk nè kotse' ntirè nè bəboŋ nè ghà nè mù à ye vesùwèŋ yà'a fana, mù sə duk də gu gha' də wèeŋ kotse' ŋga'a nè mù ka vesùwèŋ yeŋ nè'e. Wèeŋ fak bə wəə, nè sə jik ngògù də lù nè Nwì a fa wəŋ nè sə fak sə ntuu wèŋ.

¹³ Busè Nwii fàkgè mʉtsətsə'rə wèŋ ngògù wəŋ də wèeŋ dzəm nè gu yusè yi dzəm yà'.

¹⁴ Bə yà pwe'fo' sè wèŋ sə gùu nè sə cep ŋkùəm kà fo' sə tesè. ¹⁵ A ye vɛ'nə ya wèeŋ ye bùu sè wèeŋ rərəŋ, nè ye jì njo. Ya wèeŋ ye bwe Nwì sè ntum rərəŋ sè wèŋ cu sənə nzeŋgònè bùu sè ca ka rərəŋ yeŋ, wo ŋgàa tē'èŋkup. Wèŋ tse' ngòsə rəeŋ yàwèŋ mʉtsətsə'rə wo co ŋkəŋkàn sə rəeŋ mabu, ¹⁶ mvəsè wèŋ sə tsè' fa wo ncèp nè nà' tse' lùŋ nè. Wèeŋ gu-a vɛ'nə fana, numbu nè Krəest vè sèmok, mù sə kum ŋgù àm bùu wèŋ fana yà' kà ŋgwàŋ ye. Yà'a nè sə niŋ duk də fàk am sè mù à gù, nè yis ndùrè, yà' ka wà ca.

¹⁷ Dzədzəm awèŋ nè wèŋ à tse' nà' bohòNtirè nè Bəboŋ nè, nà'a co satikà' bohòNwì. A ye-a də

yòŋsè am kə ye rùk nè wo jə-a nà', nè se gesə mənə satikà' ànə, mɛ nə kwa, nè kwa vesùwèŋ lònŋ mɔwə' mò'fis sè'. ¹⁸ Gù sè' mɔmɔvè'ànə dək də wèeŋ kwa tsooŋ yàwèŋ sè'. Vesùwèeŋ kwa mɔwə' mò'fis.

Timati Bə Ipàfoditò

¹⁹ A ye-a ŋga Tà Jisòs fa-a ŋàŋ, mù tsəm də mɔvək momjo mɛ nè tumsə lo Timati ŋgòkè ye wəŋ. Mɛ nə tum yi ya yi bwì vèə, yi tsok fa mɛ mɔvè'nè wèŋ cu, ya ntəm am sə ləm sè'. ²⁰ Mègù yi Timati nè nè tsətsərə vesi yegè nsàp nè mò'fis. Yi tse'gè wəŋ sə ntəm yi vɛ'ɛ wùriŋ. ²¹ Bùu mok pwe' sə tsərə gu bə fàak awo, wo sə kà ma nè Jisòs Krɛst tsərə. ²² Wèŋ rì yàwèŋ sè' laŋ də, Timati ènə ŋwè nè bèboŋ. Vesi a tsòho Ntirè nè Bèboŋ nè mɔwə' mò'fis co mwe bə tè' sə fàk wo. ²³ Mù sə tsəm də ghà nè mɛ riŋ də anə ye bohòmù valɛ àlɛ ŋkuŋ mɛ tum yi laŋ. ²⁴ Mù rì tse' sè' zìnə dək də, mɔvək momjo, Tàa nè gu co mɛ və bə tu am, nè kə tseŋ wəŋ sè'.

²⁵ Mù a tsərə də a bèboŋ ŋgòtum fəsə fa wəŋ moma avès Ipàfoditò, nè yi a ye masinjà àwèŋ, nè tesə mɛ. Yi a fàk, nè jihì nzòn vesi bəbɛ', ŋgòtesə mɛ bə fàha am. ²⁶ Ntəm ye sə fa yi ŋgə' ŋgòyə wèŋ wùriŋ. Yi sə kà kwa lok də bùusè wèŋ na yuk dək də yi a ya. ²⁷ A lɛ zìnə də yi a ya laŋ anə. A gù jo də yi a kpɛ. Megu də Nwì a koksə manziŋ bohòvesi ba fo', yi kà kpɛ, ya ŋgə' mook kà mənə ŋgə' nè mù cu bə zəŋ nè'e naàŋ fe'lə lò. ²⁸ Fana mù sə dzəm wùriŋ də mɛ tum yi kə ye wəŋ, ya wèeŋ yə yi, ntəm awèŋ fi, ntəm nè njàm kà mok sè' rwi' fe'lə. ²⁹ Yi vèə,

wèŋ wumsə yi bə kwəkwa co moma nè ndzəno
Tà. Wèŋ yə nsàap bùu sè co yi ànə, wèŋ wəp
wo bəboŋ. ³⁰ Busè yi jə yòŋsə ye nsàp mok, nə
swirə kpə bùu fàak Krèst, nə fa mɛ tətəsə nè à
ye co wèŋ kà mɛ bə tu awèŋ kə fa.

3

Mandzè Nè Zinə NgòYe Rərəŋ BohòNwi

¹ Bwema am, ncèp àm nè ŋgòlèsə bə zeŋ duk
də, wèŋ sə kwa bə bum sè ma nè Tà Jisòs. A ye-
a sè' də mɛ sə com fe'lə sè yusə mɛ ànə com yà'
mantombi laŋ fana mɛ sə kà bə zeŋ wò. Yà'a nə
tesə weŋ ya wèŋ kà mandzè jàm. ² Wèŋ kərə
bə nsàp bù nè wo co ŋgbu, sè wo sə duk deɛ,
ŋwè tse' ŋgòsɛ tsə ŋgùpni' yà'a. ³ Bùu sè wo a
kom fa wo tu sè zinə, co bùu Nwi sə a vesùwèŋ.
Busè vesùwèŋ kùksəgə Nwi bə nàaŋ yòŋsə ye,
nə sə kwa bə ncu avès nè ndzə ni' Jisòs Krèst,
vesùwèŋ ka tu bə bum sè ma mɛ ŋgùpni' naaŋ.
⁴ A ye-a də bum sè mɛ ŋgùpni' yà'sə yumok co
Nwi jəŋ ŋwè bə zeŋ, də mɛ duk də mɛ a dzèŋ
mvwe' sè mɛ gha' bùu sè wo sə jə yà' co yumok
yà'sə pwe' mɛ. ⁵ Wo à kom fa mɛ tu mbəmbaam
yàm ŋga mɛ nùumbu fwame'. Mvəsə wo à dzə
mɛ, mɛ ŋwəə Izùre bə bòp lak Benjamè. Mɛ
yè'sə mɛ ŋwəə Hibrù làaŋ ve'. A ye-a bə mandzè
nè ŋgònòŋsə lùuk bùu Jus wèŋ fana, mɛ à ye ves
bòp bù nè wo togè wo duk də bùu Faràsi nà'a.
⁶ À sə ye ma nè ŋgòfa bùu cos wèŋ ŋgə', fana
mɛ təəŋ mantombi bə zeŋ mɛ. Lùuk avès bùu
Jus pwe'fo', mɛ ka nè mò'fis gbɛ yuk, ŋga ye-a də

aco yà' gu ηwè ye kèkurè na. ⁷ Bum yè'sə pwe', anə ye co mù sə tsərə də yà'a swe' bohòmù, mù a mè'rə màk yà' pwe' nè pwe' co yusə wà bùu tu Krest. ⁸ Bə nè zìnə am pwe', mù jə yà' pwe' mok co yusə wà ya nga mù riη Jisòs Krest nè yi Tà nè njàm nè bùusə ηgòrìη yi a yusə yà' càsə bum pwe'. Mù a mè'rə bum mok pwe' də yà'a bisə ntèη bùu yi. Bum pwe' mok bohòmù co bèp də ya mù tse' Jisòs Krest, ⁹ ya mù ye vesi mvwe' mò'fis co ηwè ye. Mù ka kèkurè mù lisè Nwì bə nàaη sè yàm mok ye fe'lə, a bùusə mù a fa ntəm àm bohòJisòs. Ka bùusə də mù a nòηsə lùuk bùu Jus sè' yeη. Mù kèkurè bùusə Nwì a gu mù ηgòye kèkurè anə yi. Ngòye kèkurèə vè mègù bə ntəm nè ηwè fa nà' bohòKrest. ¹⁰ Yusə mù sə dzəm, a ηgòrì yi, nè tse' ja'a nsàp nàη ye nè yi à lòkok bə zeη mvwe' kpə nà'a. Mù dzəm sè' duk də mù ye nsàp ηgə' nè yi à yə nè kpə, ya mù ye sè' co yi. ¹¹ Yà'a mvə'nə mù tse' tsətsərə də mù nè ye sè' mòk ηgòlòkok mvwe' kpə sə.

Jihi Nzòη, Nə Kə Ləsə Fo'

¹² Mù sə kà duk də bum sè mù sə dzəm də mù tse' yè'sə, mù tse' wes yà' laη duk. Ka sè' duk də mù yè'e, mù ka jòη nè mò'fis tse' sè' yeη. Yusə də mù sə jìhi nzòη ηgònìk lòmantombì, ya mù kə tse' lèlāk nè Jisòs Krest a jə mù co ηwè ye bùu zeη nè. ¹³ Bwema am wèη, mù tsəm də mù ka mvwe' sè də mù tse' yà' laη sə ntòkə dzeη. Yusə mò'fis də mù sə lù bə nàaη am pwe'fo' ηgòkə dzèη mvwe' bum sè ya' cu mantombì, nè swi mak bum sè yà'a maηkwèη fo'. ¹⁴ Fana mù sə

lògù mantombì dè ya mɔ kə dzeŋ mvwe' ndùu sɛ, ya mɔ tse' ləlàk nè Nwì à to mɔ ngòkə tse' nà' bùusè mɔ ɲwəð Jisòs Krest nè. Nà'a dè mɔ kə cum mɔbu. ¹⁵ A bèboŋ bohòvesùwèŋ sè a gɔ bə ma nè Jisòs laŋ pwe'fo' ngòtse' sè' nsàp tsətsərè nè'nə. ɲwə nəmòok ye-a yo nè yi sə tsəm yumok ca zok fana, Nwì gɔ yi rɛɛŋ bə zeŋ. ¹⁶ Yusè gɔgɔŋ sə duk dè vesùwèŋ sə be' lo mali yusè vesùwèŋ nà sə yùu sə.

¹⁷ Bwema am wèŋ, wèŋ sə be' kù am, nè sə kùk lis bohòbùu sè wo sə yù yà', bùusè vèes ɲgàa nì fa weŋ mandzè nè nà'a bèboŋ. ¹⁸ Mù à tsə' weŋ bum yè'e mantombì kè' ɲkùuŋntèŋ laŋ. Nè ɲgà'a nè'e, mù sə cèp fe'lə yà' səmok mok bə ndzəplis, duk dè bwìŋ mɔŋgorè wèŋ ɲkùuŋ sè mandzè awo sə nìtsè' dè wo sə bèŋ fàak sè Jisòs à kɔ mɔ ntəŋ ɲgògùu sə. ¹⁹ Wo kè lè nùu dè bùu yè'sə nè tse' ɲgə', bum sè wo sə dzəm yà' bə ɲgùpni', yà'a bohòwo nwii awo. Wo sə nè nì' bə bum sè anə ye co wo koksə marè'tu bə zeŋ. Tsətsərèə awo cu mègù bə bum sè sə nzeŋgòŋ fən. ²⁰ Fana vesùwèŋ yàvès ɲgàa lak sè mɔbu. Vesùwèŋ sə kùk mègù bohòŋgà lùŋsè ves, Tà Jisòs Krest ɲgòtsə mɔbu. ²¹ Ghà nè yi vèə, fana yi nè kupsə ɲgùpni' avès nè bɔp nè nà' ka ɲàŋ tse' nè'e, nè gɔ nà' ye co nì' nje nè nà' tse' ɲàŋ. Yi nè gɔ vè'nə bə ɲàaŋ sè yi tse' ɲgògù bum pwe' yà' ye sə vəmznə'è yi sə.

4

Ntip Nè Pol A Fa

1 Bwema am wèŋ, mù dzəm weŋ, nə sə boŋ mɔ co mù ye weŋ wù kà fàk. Wèeŋ gùgè ntəm àm sə kwa, wèeŋ ɲguk àm nè mù a sòp tes mɔ tuhù mù. Wèeŋ bùu Tà Jisòs, wèeŋ təeŋ mali gùgɛŋ. 2 Mù sə cèp bohòYùdiyà də kwəkwè', bə Sintekèe mesə yusè mɔtsətsə'rəə wo, nə cum mɔwe' mò'fis co ɲjè'egù ndzə ni'ì Tà. 3 Mù lɛŋ wu Sizigù, nə vesù tse' fàak sè mò'fis də, wu tɛsə bàa yè'sə wèŋ. Wo bə Kilimè, nə ye bùu mok sè vesiwèeŋ fàkgè mɔwe' mò'fis yà'a pwe' a fàk gùgɛŋ ɲgògù də Ntirè nè Bəboŋ nə nà'a lo mantombi. Liŋ awo cu ndzənə ɲwàk lùŋ.

4 Mvè'nè wèŋ cu ncu àwèŋ nùumbu pwe', wèeŋ sə kwa bə bum sè ma nè Tà Jisòs. Mù sə cèp li sèmok duk də wèeŋ kwa! 5 Wèeŋ ye fùə weŋ bwìŋ wèŋ. Tà ka səsap mok cum. 6 Kà də wèeŋ sə fa ntəm awèŋ ɲgə' bùu yumok duk. Yusè wèŋ sə jamə lòoŋ, wèŋ sə lɛŋ bohòNwì. Ghà nè wèeŋ lɛŋ yi lòoŋ, wèŋ lɛŋ bə ntəm nè kwəkwa. 7 Fana fifi Nwì nè nà' yam càsə mvəsè co ɲwè tsərə pwe' nə ye sə ntəm wèŋ bə tsətsərə əwèŋ co yumok kà yà' gù. A vɛ'nə ɲga wèŋ sə nəm sə ntəm awèŋ bohòJisòs.

8 Nè ɲgòlèsə bə zeŋ, bwema am wèŋ, wèeŋ sə tsərə megu bum sè yà'a zìnə sè co bwìŋ kwasə yà'. Yà'a ye bum sè ya' tse' bəboŋ nja, yusè yà'a rərəŋ, sè ya' tse' dzədzəm nə ye sè bwìŋ yə-a yà', wo jəŋ yà' co yumok. 9 Wèeŋ sə gùhɔ bum sè mù à yə'rə weŋ, wèŋ nə dzəm yà', a bum sè wèŋ à yuk mvəsè mù à sə cèp, nə sə gù. Yi Nwì nè yi fagè ves fifi, yi nə ye wenə wèŋ.

*Pol Kwasə Bùu Fìlipiyà
Bə Tətəsə*

¹⁰ Mù sə kwa, nə sə kwasə Tà Nwì wùriŋ bùusə a sap wùriŋ, wèŋ nə yètoònə ɲgòtəsə fe'lə mɯ səmok. Mù sə kà duk də wèŋ à swì mɯ swii duk, yusə də wèŋ à ka mvək mantombi anə tse'. ¹¹ Ka də mù sə cèp bùusə mù sə tsərə duk də mù a sə dzəm yumok yeŋ. Bəsə mù rì mvəsə ɲgòcu yu am bə kwəkwa ɲga mù ka-a yumok tse' nà'. ¹² Mù rì ncu jìŋ bə ncu ghàk ba fo' mù. Mù a rì nsàp nè'nə, nə ləəŋ bə zeŋ, ya ɲga mvwe' sè mɯ cu, ghà yà pwe', ɲga mɯ zəze' bə nè mù cu ɲjè, nè mù tse' ɲkùuŋ kè də mù tse' gù moòm ntilip pwe'fo', mù rì mvəsə mù cum yu am kəkərè. ¹³ A ye-a sè' bə nsàp nè fòlòŋ, aco mù cum riŋ bə zeŋ. Jisòs Krəst fagè mɯ nsàp ɲàŋ nà'nə yì.

¹⁴ A ye-a sè vɛ'nə, bòwùriŋ mvəsə wèŋ à təsə mɯ ghà nè mù a cu bə ɲgə' nà'nə. ¹⁵ Wèŋ bùu Fìlipiyà, wèŋ rì yàwèŋ sè' duk də ghà nè mù à yè'e mè'rə lak Màsìdoniyà ɲga mù à sə tsòho to Ntirè nè Bèboŋ nə, à təsə gù mɯ wèŋ. A sə fa kurə gù mbo vesùwèŋ, cos mòk nè zok a ka mɯ təsə. ¹⁶ Fana mù à cu mvwe' lak Tètàlonikà, ghà nè ɲga mù ka yumok tse', wèŋ tum fa mɯ sè'. Yè'sə à ka kè' mò'fis mègù. ¹⁷ Ka də mù tes gha' ntəm àm bə bum sè wèŋ na tum fa mɯ yeŋ. Mù sə kwa gha' yàm bə swe' nè wèeŋ nə tse' bohòNwì bùu bum sè wèŋ sə tum fa mɯ yè'sə. ¹⁸ Yusə mù a sə jamə yà' pwe', wèŋ a fa mɯ, nə fa casə cù. Mù a yə bum sè wèŋ a tum fa mɯ bohòIpàfoditòlaŋ. Yà' a gù mɯ, mù sə kà yumok mok jamè fe'lè. Bum yè'sə co mve'

làmindàa sè wo ke' fagè Nwì co satikà' yà' sè rəm saan bònşə Nwì wùrin yà'a. ¹⁹ Nwì àm nè yi ngà ghàk maŋgəŋgèeŋ nə fa wèŋ yusè wèŋ sè jamə pwe'fo' ndzə bohòJisòs Krest. ²⁰ Kèkùksəə ye bohòNwì nè yi Tè' àvès, nə kà mè yuk. Yà' ye vε'nə.

Cècèpsə Nə Nà' Ləsə

²¹ Cepsə fa mu bũ Nwì sè wo sè' bũ Jisòs Krest yà'a pwe'fo'. Bwema sè vesiwèŋ cu fεeŋ cepsə wèŋ sè' bəboŋ. ²² Bũ Nwì sè wo fεeŋ cepsə wèŋ sè', nə kà co sè wo mu nto' Sizà yà'a ye wesə. ²³ Bèbo nè Tà Jisòs Krest nə ye wèŋ.

Nwàk Nwì Ma Rùk Nè Fi
New Testament in Yamba

copyright © 2011 Wycliffe Bible Translators, Inc.

Language: (Yamba)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 22 Feb 2024 from source
files dated 29 Jan 2022

c475d5b3-da44-51cf-93ca-f255b72fe481